

M
MICHELSSEN
ÚRSMÍÐIR SÍÐAN 1909
Laugavegur 15 - 101 Reykjavík
511 1900 - www.sviss.is

tudorwatch.com



TUDOR FASTRIDER

TUDOR
WATCH YOUR STYLE



Timing Partner

MARKAÐURINN

Miðvikudagur 7. nóvember 2012 | 19. tölublað | 8. árgangur

Sími: 512 5000 | [visir](http://www.visir.is) www.visir.is

...við
prentum!
GUDJÓNÓ
VISTVÆN PRENTSMÍÐJA
Sími 511 1234 • www.gudjono.is

HÁSKÓLINN Í REYKJAVÍK Í MIKLUM TAPREKSTRI

- HR tapaði 630 milljónum á tveimur árum.
- Þarf 120 milljónir á ári frá ríkinu til að tryggja rekstrarhæfi.
- Ekki gert ráð fyrir neinum auknum framlögum á fjárlögum.



Veitingastaðarisinn Foodco hagnaðist á síðasta ári

Foodco, sem rekur veitingastaði undir merkjum American Style, Saffran, Eldsmíðjunnar, Aktu-Taktu, Pítunnar og Greifans á Akureyri, hagnaðist um 53,3 milljónir króna í fyrra. Það er mun minni hagnaður en árið áður þegar hann nam 371 milljón króna. Þá munaði þó mestu um 213 milljóna króna gengishagnað. Alls voru eignir Foodco bókfærðar á 1,8 milljarða króna um síðustu áramót og eigið fé félagsins var 690 milljónir króna. Þetta kemur fram í nýbirtum ársreikningi þess.

Athygli vekur að samdráttur hefur verið í sölu hjá Foodco á undanförunum árum. Árin 2008 og 2009 seldu veitingastaðir félagsins fyrir 2,9 milljarða króna hvort árið. Sú sala var tæplega 2,7 milljarðar króna árið 2010 og rúmlega 2,4 milljónir króna í fyrra.

Foodco keypti Shiraz ehf., sem á og rekur Saffran-veitingastaðina, í október 2011. Kaupverðið var ekki gefið upp á sínum tíma en félagið var bókfært á 323,5 milljónir króna í bókum Foodco rúnum tveimur mánuðum eftir að kaupin áttu sér stað.

Foodco á einnig Þorp ehf., sem er félag utan um fasteignir þeirra matsölustaða sem félagið á og rekur. Þorp tapaði 20,7 milljónum króna í fyrra og eigið fé þess er neikvætt um 201 milljón króna. Félagið hagnaðist hins vegar um 700 milljónir króna árið 2010 eftir að hafa náð samkomulagi við viðskiptabanka sinn. Samkvæmt ársreikningi voru eftirgefnar skuldir/gengismunur alls 885 milljónir króna það árið.

Eigendur Foodco eru Þórarinn Ragnarsson (40 prósent), félag í eigu Jóhanns Arnar Þórarinssonar (40 prósent), Óttar Þórarinsson (10 prósent) og félag í eigu Bjarna Stefáns Gunnarssonar (10 prósent).

- þsj

Eignir lífeyrissjóða jukust mikið

Eignir íslenskra lífeyrissjóða jukust um 30,1 milljarð króna í september síðastliðnum. Er það mesta aukning sem orðið hefur á eignum sjóðanna síðan í mars síðastliðnum en meðalaukning í hverjum mánuði hefur verið 22 milljarðar það sem af er þessu ári. Hrein eign lífeyrissjóðanna nam því samtals 2.294 milljörðum króna í lok mánaðarins en aukningin í september nam 1%.

- þsj



Á LEIÐ TIL ÚTLANDA

OPTICAL STUDIO FRÍHÖFN LEIFSSTÖÐ

Verslaðu á hagstæðara verði í okkar fullbúnu gleraugnaverslun á fríhafnarsvæðinu í Leifsstöð

Ábyrgðar- og þjónustuaðilar:
Optical Studio Smáralind og Optical Studio Hafnargötu, Keflavík



Fróðleiksmolinn DataMarket

Heildarútgjöld ríkissjóðs eftir málaflokkum 2000-2011 í ma. kr. (á verðlagi ársins 2011)

Samkvæmt tölum frá Hagstofu Íslands, hafa heildarútgjöld ríkissjóðs mæld á föstu verðlagi hækkað um 36% frá árinu 2000 til og með 2011. Það samsvarar um 2,6% raunaukningu árlega yfir þessi 12 ár. Myndin að neðan sýnir hvernig útgjöld ríkissjóðs skiptast á 10 málaflokka og hvernig innbyrðis skipting þeirra hefur þróast á tímabilinu.

Fjárhagur ríkissjóðs frá 2000-2011 í ma. kr. (á verðlagi hvers árs)

Hagstofa Íslands birtir jafnframt svokallaðan tekjujöfnuð ríkissjóðs sem sýnir hvort tekjuafgangur eða tekjuhali er á ríkissjóði. Myndin sýnir tekjujöfnuð ríkissjóðs yfir tímabilið 2000-2011 á verðlagi hvers árs. Frá 2000-2007 var samanlagður tekjujöfnuður ríkissjóðs jákvæður um 157 ma.kr. Frá hrun árinu 2008 og til og með 2011, er samanlagður tekjujöfnuður hins vegar neikvæður um 592 ma. kr. sem samsvarar heildarútgjöldum ríkissjóðs á öllu árinu 2011.

Fannst rafmagnið á Íslandi vera of dýrt

Hið japanska Fuji Chemical ákvað að hætta við áformaða uppbyggingu á Íslandi vegna þess að fulltrúum fyrirtækisins fannst raforkuverð of dýrt. Þeim bauðst ódýrara rafmagn í Bandaríkjunum og ákvaðu að byggja verksmiðju þar.

ÍÐNAÐUR

Þóroður Snær Júlíusson | thordur@frettabladid.is

Japanska fyrirtækið Fuji Chemical Industry co., sem hafði áhuga á að byggja upp verksmiðju á Grundartanga, er hætt við að hefja starfsemi á Íslandi. Þess í stað ætla fyrirtækið að byggja fyrirhugaða verksmiðju sína í Bandaríkjunum. Ástæða þess að Fuji Chemical ákvað þetta er sú að það rafmagn sem fyrirtækinu býst í Bandaríkjunum er mun ódýrara en það sem því bauðst á Íslandi. Fuji Chemical tilkynnti samstarfsaðilum sínum á Íslandi um þetta í byrjun síðasta mánaðar. Þetta kemur fram í skjölum sem Markaðurinn hefur fengið aðgang að.

Fuji Chemical er stór japönsk fyrirtækjasteypa sem framleiðir meðal annars lyf, vítamín og fæðu- og heilsubótarefni. Samstæðan er með söluskrifstofur í Danmörku, Frakklandi, Þýskalandi, Indlandi, Indónesíu, Ítalíu, Kóreu, Malasíu, Taívan, Taílandi, Bretlandi, Úkraínu og Bandaríkjunum auk Japans.

Fulltrúar Fuji Chemical komu



GRUNDARTANGI Samkvæmt heimildum Markaðarins horfðu fulltrúar Fuji Chemical til Grundartangasvæðisins fyrir verksmiðju sína. Þar er fyrir m.a. álver Norðuráls.

FRÉTTABLAÐIÐ/VILHELM

hingað til lands fyrir um ári síðan með það fyrir augum að byggja verksmiðju héraendis sem átti að framleiða fæðu- og heilsubótarefni, meðal annars úr íslensku hráefni. Þeir skoðuðu nokkra staði en ákvaðu síðar að einblína á mögulega uppbyggingu á Grundartanga. Fulltrúar Fuji Chemical komu hingað til lands annað veifið og mynduðu viðskiptasambönd við íslenska aðila.

Í byrjun október síðastliðins höfðu þeir hins vegar samband við þá aðila og tilkynntu þeim að ekkert yrði af áformum þeirra á Íslandi.

Fuji Chemical hefði frekar ákveðið að byggja umrædda verksmiðju í Bandaríkjunum þar sem orkan sem þeim bauðst til að reka verksmiðjuna þar í landi var mun ódýrari en sú sem þeim bauðst hér á landi.

Dagatal viðskiptalífsins keldan dagatal viðskiptalífsins

Miðvikudagur 7. nóvember
 → Fasteignamarkaðurinn í mánuðinum eftir landshl.
 → Vaxtaákvörðunardagur Sí
 → Efnahagur Seðlabankans-hagtölur Sí

Fimmtudagur 8. nóvember
 → Nýjar upplýsingar frá þjóðskrá
 → Erlend staða Seðlabankans-hagtölur Sí

Föstudagur 9. nóvember
 → Markaðsupplýsingar Lánamála ríkissins

→ Útboð ríkisbréfa

Mánudagur 12. nóvember
 → Greiðslumiðlun-hagtölur Sí

Þriðjudagur 13. nóvember
 → Fjöldi þinglýstra leigusamninga eftir landshl.
 → Atvinnuleysi í október 2012
 → Smásöluvísitala RSV
 → Gjaldþrisforði og tengdir liðir-hagtölur Sí
 → Útboð ríkisvixla

Allar markaðsupplýsingar eru aðgengilegar á vísir

ÍSLENDINGAR VERÐA AÐ FÁ MEIRA FYRIR ORKUNA

Ráðgjafafyrirtækið McKinsey, sem nýverið gerði skýrslu um leið Íslands til aukins hagvaxtar, fjallaði sérstaklega um orkuviðnaðinn í henni. Þar kom fram að fyrir hvern starfsmann sem starfar í orkuviðnaðinum á Íslandi hafi framleiðni á árinu 2010 numið 42 milljónum króna. Í Noregi er sú framleiðni 81 milljón króna, eða tvisvar sinnum meiri. McKinsey bendir á að þegar séu virkjaðar um 177 MWs héraendis og að rammaáætlun geri ráð fyrir að hægt verði að virkja um 177 MWs til viðbótar. Skýrsluhöfundar lögðu mikla áherslu að sú orka yrði seld fyrir meira fé en sú sem við framleiðum nú þegar. Þeir bentu meðal annars á að það væri líklegra til að skila betra verði að stækka þau álver sem þegar eru til staðar frekar en að byggja ný, selja orku til fleiri geira en áliðnaðarins til að fá herra verð og dreifa áhættu og að gríðarlega arðbært gæti orðið að leggja sæstreng til Bretlands eða Hollands.

Í skýrslunni var tekið dæmi af því að Bretar ætli sér að byggja gríðarlegt magn af vindmyllum til að sjá sér fyrir orku fyrir árið 2020. Kostnaður við hverja MWs því ferli er áætlaður 115 evrur. Skýrsluhöfundar benda að Íslendingar geti framleitt slíkt magn fyrir minna en 30 evrur og að



LANGTÍMAPLAN Starfsmenn McKinsey kynntu skýrslu sína í síðustu viku.

FRÉTTABLAÐIÐ/GVA

kostnaður við lagningu sæstrengs yrði aðrar 30 evrur á hverja MWs. Munurinn á framleiðslu- og flutningskostnaði miðað við áætlanir Breta væri 55 evrur sem væri ábati sem myndi skiptast milli landanna. Þarna væru gríðarleg sóknarfæri.

Hvernig kaffi vilt þú?

Espresso

Lungo

Americano

Latte Macchiato

Cappuccino

Rekstrarvörur
 - vinna með þér
 Réttarhálsi 2 • 110 Reykjavík
 Sími: 520 6666 • Fax: 520 6665
 sala@rv.is • www.rv.is

Skuldir útgáfufélags DV jukust í fyrra samkvæmt ársreikningi síðasta árs:

136 milljóna tap á DV frá stofnun

DV ehf., sem á og rekur dagblaðið DV og vefinn dv.is, tapaði 82,8 milljónum króna í fyrra. Félagið tapaði auk þess 53,3 milljónum króna á fyrstu níu starfsmánuðum sínum á árinu 2010, en félagið var stofnað í upphafi þess árs. Samtals hefur DV því tapað 136,1 milljón króna á tæpum tveimur árum. Þetta kemur fram í ársreikningi félagsins sem var skilað inn til ársreikningaskráar 24. október síðastliðinn.

Hlutfé í DV ehf. var aukið um fjóruti milljónir króna í fyrra. Sú aukning fór öll í að mæta taprekstrinum og samkvæmt ársreikningi var uppsafnað tap um 91 milljón króna um síðustu áramót.

Skuldir félagsins jukust umtalsvert í fyrra, fóru úr 81 milljón króna í 131 milljón króna. Þar á meðal er aukning á ógreiddri staðgreiðslu launa starfsmanna félagsins og ógreiddu tryggingagjaldi og

vertir vegna þeirra. Samtals hækkaði sú upphæð um sautján milljónir króna á milli ára.

Fréttablaðið greindi frá því í október að skuld DV ehf. vegna staðgreiðslu skatta stæði í um 50 milljónum króna í júlí síðastliðnum og skuld félagsins vegna ógreidds tryggingagjalds stæði í 26 milljónum króna.

Morgunblaðið greindi stuttu síðar frá því að Umgjörð ehf., félag í eigu Ástu Jóhannsdóttur, hefði veitt DV 15 milljóna króna skammtalán til að borga inn á skuld sína hjá Tollstjóra vegna vangreiddra vörsluskatta. Láninu var síðan breytt í nýtt hlutfé á hluthafafundi hinn 22. október. Auk þess var veitt heimild til frekari aukningar á hlutfé. Umgjörð var þriðji stærsti eigandi DV um síðustu áramót með 18,6 prósentu hlut. Hlutur þess hefur væntanlega aukist töluvert við hlutfjár aukninguna. - þsj



ERFIDUR REKSTUR Stjórn DV ehf. hefur veitt heimild fyrir aukinni hlutfjár aukningu til að mæta erfiðum rekstri félagsins. Reynir Traustason er ritstjóri og einn aðaleigenda DV ehf.

FRÉTTABLAÐIÐ/HEIÐA



Við bjóðum fyrirtækjum sérþekkingu

Okkar vinna snýst um að þín vinna gangi vel. Við leggjum okkur fram um að setja okkur vel inn í það sem þú ert að gera, og þó að við þekkjum kannski ekki viðfangsefnið í þínu starfi jafn vel og þú, þá vitum við hvað starfið gengur út á.

Hjá Íslandsbanka starfar hópur fólks sem býr að áratuga reynslu af ráðgjöf við stór og smá fyrirtæki í verslun og þjónustu og hefur viðtæka sérþekkingu á fjárhagsumhverfi þeirra. Þannig getum við ávallt tryggt þeim þá bankaþjónustu sem þau þarfnast.

Pekking sprettur af áhuga.

Hrafnhildur Garðarsdóttir hefur áralanga reynslu í ráðgjöf til fyrirtækja í verslun og þjónustu, auk 20 ára reynslu í hótél- og veitingageiranum.

Hrafnhildur er viðskiptastjóri hjá Íslandsbanka.

Við bjóðum
góða þjónustu

islandsbanki.is | Sími 440 4000


Íslandsbanki

Vefmiðlun upplýsir ekki um veltu:

Eigendur amx.is töpuðu í fyrra

Vefmiðlun ehf., sem á og rekur meðal annars vefinn amx.is, tapaði 601 þúsund krónum í fyrra. Félagið skilaði 177 þúsund króna hagnaði árið 2010. Eigið fé þess var 1,5 milljónir um síðustu áramót og handbært fé lækkaði úr 4,4 milljónum króna í 2,9 milljónir króna á síðasta ári. Þetta kemur fram í ársreikningi Vefmiðlunar fyrir árið 2011 sem birtur var nýlega.

Engar upplýsingar eru um veltu félagsins í reikningnum.

Félagið flutti lögheimili sitt og pósthöfn að Hádegismóum 2 síðastliðið sumar, en þar er starfsemi Morgunblaðsins einnig til húsa. Hluti þess húsnæðis hefur verið leigður undir aðra starfsemi. Eigendur Vefmiðlunar eru Friðbjörn Orri Ketilsson og Arthúr Ólafsson. Friðbjörn Orri er auk þess titlaður útgefandi AMX-vefjarins. - þsj



HÁDEGISMÓAR Vefmiðlun flutti í sama hús og Morgunblaðið síðastliðið sumar.

Fastir vextir á skuldabréfum Hörpu verða 3,55 prósent:

Nýtt skipulag kynnt og skuldabréf gefin út

Nýtt stjórnskipulag innan Hörpusamstæðunnar verður kynnt á næstu dögum. Samkvæmt því verður félagið innan samstæðunnar fækkað niður í eitt, en þau voru sex þegar best lét. Ein stjórn, sem skipuð verður ur fagfólki, verður yfir félaginu og einn forstjóri, Halldór Guðmundsson, mun stýra því. Þá verður settur á fót samráðsvettvangur eigenda, svokölluð eigendanefnd, þar sem fulltrúar þeirra sem fara með málefni Hörpu fyrir hönd borgarráðs og ríkisstjórnar munu sitja.

Þá er áætlað að skuldabréf Hörpu-samstæðunnar, sem

Landsbankinn hefur þegar söluþryggt, verði gefin út á allra næstu vikum. Umfang útgáfunnar, sem mun endurfjármagna sambankalán sem tekið var til að byggja Hörpu, verður að hámarki 19,6 milljarðar króna, afborganir vaxta og höfuðstóls verða jafnar og greiðast tólf sinnum á ári í um 34 ár. Fyrsti gjalddagi verður einum mánuði eftir útgáfu og sá síðasti þahin munu bera fasta 3,55 prósent vexti. Skuldabréfin verða tryggð með veði í framlagi ríkis og borgar, fyrsta veðrétti í Hörpu og bankainnstæðum.

- þsj



ELDBORG Austurhöfn, móðurfélag Hörpusamstæðunnar, tapaði 535 milljónum króna í fyrra.

Fjallar um mikilvægi skapandi hugsunar fyrirtækja:

Þekkt markaðsgúrú í heimsókn til Íslands

Einn frægasti markaðsfræðingur heims, Bandaríkjamadurinn Seth Godin, heldur fyrirlestur hér á landi hinn 21. nóvember næstkomandi. Ímark, félag íslensks markaðsfólks, stendur að komu hans hingað til lands en þess má geta að viðtal við Godin birtist í næsta tölublaði Markaðarins.

„Þetta er sennilega frægasti og áhrifamesti markaðsmaður samtímans. Hann hefur skrifað fjöldann allan af bókum og sennilega hefur enginn selt jafn mikið af bókum um markaðsmál og Godin,“ segir Guðmundur Arnar Guðmundsson, formaður Ímark, og bætir við: „Hann er reyndar poppaður, hefur svolítið stuðað



SETH GODIN

fræðimenn, en hefur samt sem áður haft mjög mikil áhrif á rannsóknir.“ Í erindi sínu, sem ber yfirskriftina In-visible or Remarkable? og þýða má sem Ósýnileg eða stórmærkileg?, mun Godin fjalla um mikilvægi þess að fyrirtæki til-einki sér skapandi hugsun og skapi sér það sem hann kallar fjólubláa kú. Það er, eitthvað sérstakt sem þau bjóði viðskiptavinum sínum og sé sannarlega virðisaukandi fyrir þá.

- mþl



DÝR Leiga á nýrri skólabyggingu HR er þungur fjárhagslegur myllusteinn um háls skólans. Hann greiðir alls tæplega 800 milljónir króna í leigu á ári. Ekkert bendir til þess að sú tala muni lækka um fjárfjárframlögum framtíð.

Gengur hratt á eigið fé Háskólans í Reykjavík

Háskólinn í Reykjavík hefur tapað um 630 milljónum á tveimur árum. Afkoman verður aftur neikvæð í ár og horfur eru dökkar til lengri tíma ef ríkisfjárframlög hækka ekki. Skólinn þarf 120 milljónir á ári næstu þrjú árin. Litlar líkur eru á að sú upphæð fái.

MENTAMÁL

Þórir Snær Júlíusson | thordur@frettabladid.is

Háskólinn í Reykjavík (HR) tapaði 231,5 milljónum króna í fyrra og 401,4 milljónum króna á árinu 2010. Hann mun einnig verða rekinn með tapi á þessu ári og fyrir-sjáanlegt er að afkoman verði neikvæð til lengri tíma ef ekki verður breyting á fjárframlögum ríkisins til hans. Þetta kemur fram í ársreikningi HR sem birtur var nýverið. Framlag til skólans þarf að aukast um 120 milljónir króna á ári næstu þrjú árin til að tryggja rekstrarhæfi hans í þeirri mynd sem skólinn er rekinn í dag.

Rekstur HR hefur verið afar þungur á undanförunum árum. Þrátt fyrir að rekstrargjöld hafi dregist saman um rúmlega 200 milljónir króna í fyrra, aðallega vegna tímabundinnar lækkunar á húsnæðiskostnaði, tapaði skólinn miklum fjárhæðum. Nokkuð jákvæður viðsnúningur varð þó á afkomunni, einkum vegna tímabundinnar lækkunar á húsnæðiskostnaði. Í ársreikningnum stendur hins vegar að „afkoma HR á árinu 2012 verður áfram neikvæð og ef ekki verður breyting á fjárframlögum ríkisins eru einnig neikvæðar horfur með starfsemi háskólans til lengri tíma.



ARI KRISTINN JÓNSSON

Frá árinu 2009 er búinn að vera viðvarandi niðurskurður á fjárframlögum ríkisins til HR og annarra háskóla hér á landi. Samtals eru fjárframlög ríkisins til HR árið 2012 um 450 m.kr. lægri að raungildi en árið 2008 og uppsafnaður niðurskurður til HR er yfir 1.000 m.kr. að núvirði frá árinu 2008“.

HR hefur átt eigið fé til að mæta tapi undanfarinna ára. Það gengur þó hratt á það og um síðustu áramót var það tæplega 400 milljónir króna. Miðað við rekstrar-niðurstöðu síðasta árs og óbreytt framlög myndi það duga skólanum fram á haustið 2013.

Lítill pólitískur vilji virðist þó vera til að mæta kröfum HR með auknum framlögum. Í fjárlagafrumvarpi fyrir árið 2013 er gert ráð fyrir að framlag til HR lækki um 18,4 milljónir króna. Þá er HR auk þess ætlað að greiða til baka 150 milljóna króna framlag sem hann fékk á fjárukaalögum ársins 2011. Vegna þeirrar endurgreiðslu er „áætlað að skólinn fái 43,5 m.kr. lægra framlag í

fjárlogum 2013[...]en hann hefði fengið án aukafjárveitingar“. Samkvæmt heimildum Markaðarins eru þó líkur á að hækkanir á fimm reikniflokkum geti skilað HR um 50 milljónum króna til viðbótar á næsta ári.

Ari Kristinn Jónsson, rektor HR, segir að rekstrarniðurstöður skólans endurspegli fyrst og fremst þann mikla niðurskurð sem hafi verið á framlögum ríkisins til skólans. „Við komum til móts við þennan niðurskurð með mikilli hagræðingu og þess vegna varð þetta ekki verra í fyrra en kemur fram í reikningnum. Við sjáum fram á að hafa gert enn betur í ár. Við höfum getað haldið starfseminni við án þess að forna gæðum, enda væri það versta sem við gætum gert að fara að mennta fólk illa á Íslandi. Það er hins vegar augljóst að þetta gengur ekki svona til lengdar og það verður að snúa þessari þróun við fyrir árið 2013.“

Hann staðfestir að rekstrar-afkoma ársins í ár verði einnig neikvæð og að HR þurfi um 120 milljónir króna á ári næstu þrjú árin til að geta sinnt sínu lágmarkshlutverki. Til að mæta meðaltalsframlagi OECD-ríkja til háskóla þurfi hins vegar hundruð milljóna króna.

LYKILTÖLUR ÚR REKSTRI HR

2 milljarðar
er framlag ríkissjóðs til HR í fyrra.

1.350
milljónir eru skólagjöld og aðrar tekjur.

280
milljónir eru styrkir til skólans.

3,9
milljarðar króna er sú upphæð sem kostaði að reka HR í fyrra.

2,3 milljarðar
fóru í launagreiðslur.

770 milljónir
var húsnæðiskostnaður í fyrra.

120 milljónir
er það árlega viðbótarframlag sem HR vill frá ríkinu næstu þrjú árin.

Auðjöfur kaupir hlut í Orku Energy

Richard Chandler Corp. keypti þriðjung í Orku Energy í sumar. Eigandi þess er í 230. sæti yfir ríkustu menn í heimi með auðævi upp á tæpa 600 milljarða króna. Orka Energy keypti fyrrum eignir REI á síðasta ári af OR.

ORKUMÁL

Þórður Snær Júlíusson | thordur@frettabladid.is

Richard Chandler Corporation (RCC) keypti í sumar 33 prósent hlut í móðurfélagi íslenska orku-fyrirtækisins Orka Energy Holding ehf. Samkvæmt tilkynningu til fyrirtækjaskráar greiddi RCC tólf milljónir dala, um 1,5 milljarð króna fyrir hlutinn. RCC, sem er staðsett í Singapore, var stofnað af Richard F. Chandler, nýsjá-lenskum fjárfesti. Samkvæmt



RICHARD F. CHANDLER

lista Forbes var Chandler, sem er 53 ára og ókvæntur, fjórði ríkasti maður Singa-pore í lok síðasta árs og 230. ríkasti maður í heimi. Tíma-ritið sagði auð hans nema um 4,6 milljörðum dala, um 586 milljörðum króna.

Orka Energy var stofnað snemma á síðasta ári. Eigandi þess Orka Energy Pte. Ltd., félags með skráð heimilisfesti í Singa-pore. Það er í eigu Hauks Harðar-sonar, sem er kjölfestufjárfestir í félaginu, og starfsmanna þess.

Í ágúst 2011 keypti Orka Energy félagið Enex-Kína af fyrrverandi eigendum þess, Orkuveitu Reykja-víkur (OR) og Geysi Green Energy.

Kaupverðið var um 1,6 milljarðar króna fyrir allt hlutaféð miðað við það verð sem OR fékk fyrir sinn tæplega fimmtungshlut. Það keypti einnig aðrar eignir sem höfðu verið inni í útrásarmi OR, REI. Um er að ræða Iceland America Energy og fjórðungshlut í Envent Holding ehf., sem á jarðhitafyrirtæki á Filippseyjum.

Enex-Kína, sem nú heitir Orka Energy China ehf., á 49 prósent hlut í kínversku félagi sem heitir Shaanxi Green Energy Geothermal Development (SGE). Það vinnur að þróun, og til framtíðar rekstri, jarðvarmaorkuvera í Kína. Hitt 51 prósent í félaginu er í eigu kínverska orku-fyrirtækisins Sinopec, sem er fimmta stærsta fyrirtæki í heimi. Það er að öllu leyti í eigu kínverska ríkisins. Hjá SGE starfa um 260 manns og fyrirtækið hitar sem stendur upp um sex milljón fermetra af íbúðar- og atvinnu-húsnæði. Það stefnir að því að auka þá hitaframleiðslu í 100 milljón fermetra fyrir árið 2020 auk þess sem það hyggur á stórtæka rafmagnsframleiðslu.

Þann 20. apríl heimsótti fjöl-menn sendinefnd Kínverja Ísland heim í tengslum við komu Wen Jiabao, forsætisráðherra lands-ins. Á meðal þeirra sem hingað komu var stjórnarformaður Sinopec, Fui Chengyu. Hann og

Haukur Harðarson, stjórnarfor-maður Orku Energy, skrifuðu við það tilefni undir samkomu-lag sem breikkaði samstarfs-grundvöll fyrirtækjanna tveggja umtalsvert.

Í júní keypti RCC síðan 33 prósent í móðurfélagi Orku Energy. Samkvæmt tilkynningu til fyrir-tækjaskráar var kaupverðið um tólf milljónir dala, 1,5 milljarðar króna. Í fréttatilkynningu sem RCC sendi frá sér vegna þessa var haft eftir Richard F. Chan-der, stjórnarformanni RCC, að félögin tvö hefðu sömu sýn á að virkja jarðvarmaorku. Gunnar Thoroddsen, framkvæmdastjóri Orku Energy, vildi ekki tjá sig um starfsemi fyrirtækisins umfram það sem fram kom í tilkynningu RCC í júní síðastliðnum.



SKRIFAD UNDIR Fui Chengyu, stjórnarformaður Sinopec, og Haukur Harðarson, stjórnarformaður Orku Energy, skrifa undir samstarfssamning í Þjóðmenningarhúsinu í apríl síðastliðnum. Forsætisráðherra Wen Jiabao og Jóhanna Sigurðardóttir fylgjast með.

FORSETINN STYÐUR ORKA ENERGY OG ORKA ENERGY STYÐUR FORSETANN

Ólafur Ragnar Grímsson, forseti Íslands, hefur komið umtalsvert við sögu í samskiptum Orku Energy við kínverska fyrirtækið Sinopec. Samkvæmt heimasíðu forsetaembættisins átti hann fund með Hauki Harðarsyni, stjórnarformanni Orku Energy, í Singapore hinn 24. febrúar síðastliðinn. Þar ræddu þeir um „efflingu jarðhitanytingar í Kína, á Filippseyjum og víðar“.

Þann 20. apríl birtist síðan önnur frétt á heimasíðu embættisins um

jarðhitasamvinnu við Kína. Þar segir að forsetinn hafi fundað með Fu Chengyu, stjórnarformanni Sinopec, vegna þess að „Orka Energy og Sinopec hafa samið um gríðarlegar hitaveituframkvæmdir í Kína, sem m.a. felur í sér stærstu hitaveitur heims [...] Stjórnarformaður Sinopec lýsti því yfir að fyrirtækið, sem er eitt af stærstu fyrirtækjum heims, hefði ákveðið að gera samvinnu við Ísland, Orku Energy og vísinda- og tæknisamfélagið á Íslandi, að for-

gangsmáli í orkustefnu fyrirtækisins á komandi árum og áratugum“.

Orka Energy var eitt af níu félögum sem studdi framboð Ólafs Ragnars til forseta síðastliðið sumar. Félagið greiddi samtals 200 þúsund krónur í kosningasjóð hans. Lögfræðistofa Gunnars Thoroddsen ehf., sem er í eigu Gunnars Thoroddsen, framkvæmdastjóra Orku Energy, studdi einnig Ólaf með 200 þúsund króna framlagi. Alls námu framlög lögaðila 1.390 þúsundum króna.



HVITA HÚSÍÐI/SIA 12-1867



VÍÐTÆKASTA DREIFIKERFIÐ GEFUR VÍÐTÆKAR LAUSNIR

Dreifikerfi Póstsins er það víðtækasta á landinu. Fimm daga vikunnar fá 99% heimila og fyrirtækja afhentar sendingar sem Pósturinn dreifir. Stór bílafloki og hópur reyndra starfsmanna gerir þér kleift að velja lausnir sem henta þörfum þíns fyrirtækis. Við getum sent nánast hvað sem er, bæði stórt og lítið – hratt eða á hagkvæman hátt.

VIÐ KOMUM ÞVÍ TIL SKILA

Viðskipta-pakkar til útlanda

Auglýsinga-póstur

Sendla-þjónusta

Vörudreifing

Vöruhýsing

Fyrirtækja-þjónusta

www.postur.is

FYRIRTÆKJALOUSNIR

Aðskilnaður banka vinsæll en flókinn

Fyrir Alþingi liggur þingsályktunartillaga um aðskilnað fjárfestingar- og viðskiptabankastarfsemi. Erfitt gæti hins vegar reynst að setja einföld og áhrifarík lög um slíkan aðskilnað. Skiptar skoðanir í bankakerfinu.

FRÉTTASKÝRING

Magnús Þorlákur Lúðvíksson
magnusl@frettabladid.is

Fjörug umræða hefur farið fram síðustu misseri um framtíðaramma fjármálakerfisins í kjölfar áfalla síðustu ára. Í því samhengi hafa margir staðnæmst við spurninguna um hvort skynsamlegt sé að skilja að með lögum viðskiptabanka- og fjárfestingarbankastarfsemi.

Almennt virðist mikill stuðningur vera við hugmyndina. Skoðanakönnun sem Capacent Gallup gerði á málinu í september leiddi í ljós að ríflega fjórir af hverjum fimm svarenda voru fylgjandi aðskilnaði. Þá er einnig mikill stuðningur við hugmyndina á Alþingi en sautján þingmenn úr öllum flokkum nema Sjálfstæðisflokki hafa lagt fram þingsályktunartillögu um málið. Þar að auki er það einn liður í efnahagstillögum Sjálfstæðisflokksins sem allir þingmenn flokksins mæltu fyrir á síðasta þingi.

ERFITT AÐ FINNA LÍNUNA

Í greinargerð sem fylgir þingsályktunartillögunni segir að innlán viðskiptabanka, sem hafa bakábyrgð frá ríkinu, hafi í aðdraganda bankahrunsins verið notuð í óarðbærar og glæfralegar fjárfestingar, meðal annars í fyrirtækjum nátengdum viðkomandi fjármálastofnunum. Vegna þeirrar sérstöku tryggingar sem innlán njóta sé rík ástæða til að aðskilja hefðbundna bankastarfsemi frá áhættusækinni fjárfestingarstarfsemi.

Þetta er kjarninn í þeim röksemdum sem færðar hafa verið fyrir aðskilnaði; að ekki sé boðlegt að fjármálastofnanir stundi áhættusama stöðutöku með fjármuni sem njóta ábyrgðar skattgreiðenda. Á móti er aðskilnaður talinn geta dregið úr stærðarhagræði í fjármálakerfinu og þar með aukið kostnað við fjármála- og milligöngu.

Fjallað var um þetta í skýrslu um framtíðarskipan fjármálakerfisins hér á landi sem kom út á vegum efnahags- og viðskiptaráðuneytisins í mars. Þar segir að ekki leiki vafi á því að óheppileg tengsl milli innlánsstarfsemi og fjárfestingarstarfsemi hafi átt snaran þátt í rótum kreppunnar árið 2008. Og enn fremur að

ráða megi bót á vandanum með lagaákvæðum sem banna rekstur venjulegrar viðskiptabankastarfsemi og fjárfestinga fyrir eigin reikning í sama félagi.

Í skýrslunni er þó einnig bent á að afar erfitt geti verið að setja einföld lög um aðskilnað. Í fyrsta lagi sé erfitt að afmarka með einföldum hætti muninn á þessum tveimur kimum bankastarfsemi þar sem mörkin milli ólíkra skuldaskjala séu fljótandi. Auk þess sé líklegt að með tíð og tíma finnist leiðir fram hjá þeim skilgreiningum sem lagðar yrðu til grundvallar í slíkum lögum.

Þá er einnig bent á í skýrslunni að það voru ekki einungis alhliða bankar sem komu við sögu í aðdraganda alþjóðlegu fjármálakreppunnar heldur einnig hreinir viðskiptabankar og sparisjóðir. Þá geti tveir ólíkir bankar, annar fjárfestingarbanki og hinn viðskiptabanki, hafið samstarf sem sé alveg jafn óæskilegt og sama starfsemi innan sama bankans.

Af þessum ástæðum meðal annars taldi sérfræðinganeftin sem vann skýrsluna ótímabært að taka ákvarðanir um róttækar breytingar á skipulagi banka hér á landi. Nær væri að fylgjast með þróun mála á alþjóðavettvangi.

Í svipaðan streng hefur Fjármálaeftirlitið (FME) og þá hefur Arion banki hefur gengið enn lengra en greiningardeild bankans mælir gegn aðskilnaði í skýrslu sem kom út á vegum bankans í apríl.

Í skýrslunni segir meðal annars að aðskilnaður myndi leiða til hærri fjármagnskostnaðar hér á landi og lægri ávöxtunar fjármagnseignenda. Þá gætu einstakir bankar orðið viðkvæmari en ella vegna tapaðrar áhættudreifingar þótt líkurnar á því að þrot eins hefði áhrif á aðra myndu minnka.

Er það niðurstaða greiningardeildar Arion banka að aðskilnaður skili ekki tilætluðum árangri auk þess sem hann felir í sér umtalsverðan kostnað fyrir lántakendur og fjármagnseigendur. Sé vilji til þess að gera bankastarfsemi öruggari sé skynsamlegra að hækka kröfur um eigið fé fjármálastofnana og setja reglur um hámarksvögun, svo eitthvað sé nefnt.

FRJÓ UMRÆÐA Á ALPÞJÓÐAVÍSU

Umræðan um mögulegan að-



ALHLIÐA BANKAR Á ÍSLANDI Verði þingsályktunartillaga um aðskilnað viðskipta- og fjárfestingarbankastarfsemi samþykkt verður nauðsynlegt að skipta upp stóru viðskiptabönkunum þremur í tvær einingar hver.

FRÉTTABLAÐIÐ/VILHELM

skilnað viðskipta- og fjárfestingarbanka hefur verið áberandi viðar en á Íslandi.

Í Bretlandi var fyrir um ári gefin út skýrsla um framtíð bankastarfsemi þar í landi sem unnin var af nefnd undir forystu John Vickers, fyrrum forstjóra breska samkeppniseftirlitsins. Í skýrslunni er mælt með því að fjármálastofnunum verði áfram heimilt að sinna bæði viðskiptabanka- og fjárfestingarbankastarfsemi en þó aðeins með því skilyrði að viðskiptabankastarfsemin verði stunduð í sjálfstæðu

dótturfélagi sem lúti sérkröfum um eiginfjárlutfall. Því má segja að Vickers-nefndin mæli með eins konar aðskilnaði innan banka.

Nýverið kynnti nefnd á vegum Evrópusambandsins (ESB) tillögur um framtíð bankamála í Evrópu. Erkki Liikanen, finnski seðlabankastjórinn, veitti nefndinni forstöðu en hún komst að svipaðri niðurstöðu og Vickers-nefndin. Liikanen-nefndin mælir sem sagt með því að áhættusöm fjárfestingarbankastarfsemi, svo sem eigin viðskipti, eigi sér stað innan sérstaks félags innan

bankasamsteypu. Í Bandaríkjunum voru á árunum 1933 til 1999 í gildi svokölluð Glass-Steagall lög sem tryggðu aðskilnað viðskipta- og fjárfestingarbanka. Á síðari hluta 20. aldarinnar minnkuðu áhrif laganna nokkuð þar sem heimildir þeirra voru smám saman túlkaðar rúmar en þau voru svo endanlega felld úr gildi 1999. Árið 2010 var svo ný fjármálaeftirlitslöggjöf svo lögfest þar í landi sem tryggir ekki aðskilnað en takmarkar þó verulega heimildir innlánsstofnana til stöðutöku.

TÆKIFÆRIÐ TIL AÐSKILNAÐAR ER NÚNA

„Í raun má segja að þangað til mjög nýlega hafi verið aðskilnaður milli viðskiptabanka og fjárfestingarbanka á Íslandi. Það var ekki fyrr en Ísland gerðist aðili að Evrópska efnahags-svæðinu og ríkið seldi hluti sína í Fjárfestingarbanka atvinnulífsins og síðar í Landsbankanum og Búnaðarbankanum sem alhliða bankar urðu til hér á landi. Í kjölfarið stækkaði bankakerfið margfalt á fimm árum og það sem gerist raunverulega er að sjónarmið og hagsmunir fjárfestingarbankans taka yfir viðskiptabankann. Til þess að búa til tekjur er allur efnahagurinn lagður að veði og innlán almennings og lánsfé, sem hvoru tveggja er aflagi á forsendu ríkisryggingar, notuð til veðmála,“ segir Pétur Einarsson, forstjóri Straums fjárfestingarbanka,



PÉTUR EINARSSON

gengi bréfanna með eigin kaupum og fyrirtækjaráðgjöf sem þrífst á því að búa til tekjur og samninga sem bankinn lánar fyrir. Þetta er reynslan; fjárfestingarbankinn notar viðskiptabankann til að búa til óeðlilegan hagnað sem byggir á mjög mikilli og vaxandi áhættu. Þetta þarf að koma í veg fyrir.“

Pétur segir að Íslendingar eigi að

drífa í aðskilnaði nú þegar bankakerfið er tiltölulega lítið. „Þetta er nefnilega svo einfalt núna og hefði kannski ekki svo mikil áhrif fyrst um sinn. Upp á framtíðina að gera þurfum við hins vegar að gera þetta svo að við lærum eitthvað af þessu hrúni í stað þess að benda bara á þá sem voru þátttakendur.“

Að lokum segir Pétur ekki standast að kostnaður í bankakerfinu aukist verði aðskilnaður að veruleika. „Við sjáum að Straumur kemur inn sem nýr fjárfestingarbanki fyrir ári síðan án þess að hafa neina samlegð með viðskiptabanka. Samt sem áður erum við samkeppnishæf í verði að öllu leyti og höfum náð okkar markmiði um að vera með 15 til 20% af markaðnum auk þess sem við erum að skila hagnaði.“

HVERGI ANNARS STAÐAR TALAD UM ALGJÖRAN AÐSKILNAÐ

„Mér hefur fundist umræðan um þetta mál á Íslandi vera á villigötum. Menn hafa forðast eins og heitan eldinn að skilgreina hvað fjárfestingarbankastarfsemi er og gleymt því að undir henni geta rúmast mörg ólík hlutverk,“ segir Höskuldur H. Ólafsson, forstjóri Arion banka, og heldur áfram: „Í grunninn má segja að fjárfestingarbankastarfsemi sé einfaldlega að aðstoða fyrirtæki, sveitarfélög og stjórnvöld við útgáfu verðbréfa og hafa milligöngu um miðlun þeirra til fjárfesta. Ég get ekki séð að það sé aðkallandi að aðskilja þetta frá annarri bankastarfsemi.“

Höskuldur segir að í umræðu hér hafi menn gjarnan sleppt því að aðgreina það sem kalla má fjárfestingar eða fjárfestingarstarfsemi,



HÖSKULDUR H. ÓLAFSSON

settar einhverjar skorður eins og reyndar er búið að gera að ákveðnu marki. En mér finnst mikilvægt atriði að menn byrji á byrjuninni og skilgreini þá tilteknu þætti í fjárfestingarbankastarfsemi sem talið er æskilegt að skilja frá annarri bankastarfsemi. Þessar aðgerðir erlendis, til dæmis

stöðutöku á eigin reikning, og annars konar fjármálalega milligöngu sem fjárfestingarbankar stunda. „Í sjálfu sér hefur maður ekkert við það að athuga að fjárfestingarstarfsemi verði

í Bandaríkjunum, hafa enda miðað að því og þar er hvergi verið að tala um algjöran aðskilnað. Hér á Íslandi virðast sumir hins vegar vilja ganga lengra og hafa frumkvæði að einhverjum stórkostlegum umbótum á fjármálakerfi heimsins. Ég hélt að við værum komin yfir það að ætla okkur slíkt hlutverk.“

Loks segir Höskuldur ástæðu myndunar alhliða bankar þá að ábati sé fólgin í því að samnýta innviði þeirrar ólíku starfsemi sem bankar standi fyrir. Það auki hagkvæmni og þjónustuframboð sem sé til hagsbóta fyrir viðskiptavinum. „Í þessari umræðu er enginn að tala um hagsmuni viðskiptavinnanna. Ef að til kemur þá verður þjónustan einfaldlega fábrottnari og samkeppni minni.“

Yfir hverju eru stjórnendur andvaka?

Attentus - mannauður og ráðgjöf stendur fyrir ráðstefnu fimmtudaginn 8. nóvember kl. 8.30 - 10.30 í Turninum, Kópavogi.

➤ Hvernig geta stjórnendur aukið rekstrarárangur með stefnumiðaðri mannauðsstjórnun?

Frummælandi er **Paul Kearns** höfundur bókarinnar HR Strategy - Creating business strategy with human capital.

Aðrir fyrirlesarar: **Katrín Pétursdóttir**, forstjóri Lýsis, og **Ragnar Þór Jónsson**, forstjóri Öryggismiðstöðvarinnar. Ráðstefnuþjóri er **Hulda Bjarnadóttir**, framkvæmdastjóri FKA.

Skráning og frekari upplýsingar á **Attentus.is**

ATTENTUS
mannauður & ráðgjöf

Morgunverðarfundur:

Öryggismessa á snjallsímaöld

– Opinn fundur Advania föstudaginn 9. nóvember

Advania heldur föstudagsmessu um öryggi á snjallsímaöld í morgunsárið 9. nóvember. Aðalpredikari dagsins er Rik Ferguson, einn vinsælasti fyrirlesari öryggisheimsins.

Rik er fróðleiksbrunnur með 20 ára reynslu og ákaflega skemmtilegur á sviði. Hann er yfirmaður rannsókna, þróunar og samskipta hjá öryggislausnarisnum Trend Micro. Einnig troða nokkrir gestafyrirlesarar upp, meðal annars frá Valitor og Auðkenni.

„WHAT THE HACK IS GOING ON?“

Í fyrirlestri sínum mun Rik ræða helstu ógnir samtímans við stafrænt öryggi, skoða áberandi stefnur og strauma og velta upp spurningum um markvissar árásir á tölvukerfi og öryggisvarnir fyrir snjallsíma og annan „mobile“ tölvubúnað. Rik mun einnig sýna í rauntíma hversu auðvelt er að hakka óvarða farsíma, komast í gögn og stýra samskiptum.

Hvar og hvenær

Föstudagsmessan verður haldin í höfuðstöðvum Advania, Guðrúnartúni 10, kl. 8.00 til 10.30, föstudaginn 9. nóvember. Húsið verður opnað kl. 8 og dagskráin hefst stundvíslega kl. 8.30.

Skráning

Skráðu þig á advania.is – Aðgangur er ókeypis og öllum opinn meðan húsrými leyfir.



Taktu þátt á Twitter:
#HakkMessa



Dagskrá:

- 8.00 Húsið opnað**
Gómsætur morgunverður að hætti hússins
- 8.30 Advania býður góðan dag**
Gestur G. Gestsson forstjóri
- 8.40 Hermann Þór Snorrason, Landsbankanum**
Næsta kynslóð netöryggis – Lyklarnir kvaddir
- 9.00 Haraldur Bjarnason, Auðkenni**
Öryggislausnir á ferð og flugi
- 9.20 Steinar Guðmundsson, Valitor**
112 og Veskið; öryggi í alfaraleið
- 9.40 Rik Ferguson, Trend Micro**
What the hack is going on?
- 10.30 Messulok**



advania

Welcome to IT



Hin hliðin

Skapandi hugsun og verðmæti hennar

Skapandi hugsun getur átt stóran þátt í að marka stefnu í eigin lífi og starfi. Hún getur einnig hjálpað okkur að líta lengra en reynsla okkar nær og að bregðast á sveigjanlegan hátt við hinum ýmsu aðstæðum.

Þegar þessari aðferð er beitt getur það þýtt frekari vöxt og jafnvel verið lykillinn að velgengni, hvort sem um er að ræða vöruþróun, framleiðslu, markaðssetningu vöru eða þjónustu.

Að vera sýnilegur

Markaðssetning og söluáðferðir skipta miklu máli um velgengni fyrirtækis.

Mikilvægur þáttur í markaðssetningu vöru og þjónustu er að setja sér ákveðið markmið í upphafi um hvernig best er að kynna vöru. Hvernig og hvar er best að koma vöru í kynni við kaupanda? Merktu vöru þína. Það getur skilað sér í trausti kúnna á vöruna, einnig er þetta tiltölulega ódýr kynning til lengri tíma lítið. Um leið og kunninn fer að þekkja vöru/þjónustu þína og hvernig hún virkar leiðir það oftast en ekki til frekari sölu í áframhaldi. Því fleiri kaupendur, þeim mun betri kynning.

Það að taka þátt í viðburðum, s.s. málþingum, er öflug leið til þess að byggja upp tengslanet. Tengslanet er ómetanlegur þáttur í viðskiptalífi okkar; að þekkja rétta fólkið og taka þátt, fá fréttir af nýjungum o.fl.

Mikilvægt er að leita til fjölmiðla þegar markaðssetja á vöru. Auglýsing í réttum miðlum, kynningar og viðtöl hafa ótvíræð áhrif. Áhrifaríkust eru viðtöl þegar um mannlega greiningu á viðkomandi vöru er um að ræða. Samtöl við hönnuði, framkvæmdastjóra o.s.frv. um viðfangsefnið, sem verður að vera vel útskýrt á mannamáli, tilleiðsla og útfæring.

Bein markaðssetning gefur þér það forskot að fá ákveðin viðbrögð frá markhópum/kaupanda. Net-samskipti, símhringingar, kynningar eða sú aðferð sem færir þig nær viðskiptavini þínum er einnig stór þáttur í að auka umsvif.

Að auka viðskipti við núverandi kúnna gæti verið auðveldara en að afla nýrra viðskiptavina.

Af hverju? Viðkomandi viðskiptavinur sem þekkir þínar vörur og hefur átt viðskipti er (ómeðvitað) solumaður vöru/þjónustu þinnar. Mestu skiptir að veita góða og trausta þjónustu þeim sem skipta við þig því ef svo er kemur það vörunni til góðs með aukinni sölu í annarri vöru eða þeirri sömu sem fyrirtæki þitt framleiðir.



Við tökum ekki óþarfa áhættu í viðskiptum

Ákvarðanir okkar eru byggðar á traustum upplýsingum

Við notum þjónustuvef Creditinfo til að nálgast ýmsar fjárhags- og viðskiptaupplýsingar. Þjónustan er aðgengileg, sparar tíma og eykur öryggi í rekstri Virðingar.

Brynjólfur Þór Gylfason - Fjármálastjóri Virðingar



Virðing hf. er löggilt verðbréfafyrirtæki sem leggur áherslu á að þjónusta fag- og stofnanafjórfa.

FRÉTTIR VÍÐSKIPTI SPORT UMFRÆÐAN ÚTVARP LÍFI SÓNARÞ

MEIRA SKÚBB

visir
- oft á dag



INFO

NÁNARI UPPLÝSINGAR Á WWW.CREDITINFO.IS

Höfðabakka 9 • 110 Reykjavík

Sími: 550 9600 • Fax: 550 9601

ÞRÁÐLAUS PRENTUN ÚR FARSÍMA EÐA SPJALDTÖLVU



Frelsaðu þig frá snúrunum og veldu þráðlausan litaprentara frá Samsung – CLP-325WSEE!

Frábær kostur fyrir lítil fyrirtæki og heimili. Afar einfaldur í uppsetningu með hágæða litaprentun. Flott hönnun, prentarinn passar auðveldlega nánast hvar sem er.

Tilboðsverð kr. 36.900,-



FJÖLNOTAPRENTARINN SCX-3405FW er einfaldur í notkun og hagkvæmur í rekstri.

Prentar, skannar, ljósritar og fax 20 bls á mínútu í prentun ECO PRINT hnappur sparar tóner, pappír og orku

Verð 39.900 kr



Samsung ML-2160 er einstaklega þægilegur laser prentari, lítill og nettur.

Hentar sérlega vel fyrir skólafólk og litlar skrifstofur. Prentar 20 bls./min í 1200x1200dpi upplausn. Fyrsta blaðsiða út eftir aðeins 8,5 sek. Styður við Windows, Mac og Linux. Tengjanlegur með USB.

Tilboðsverð kr. 15.900,-

SAMSUNG SETRIÐ

HÁGÆÐA VINNUDÝR Á UNDRAGÓÐU VERÐI!